


戶

部

婚

姻



戶部卷之四

婚姻

嫁娶禮書

凡婚書不得用疊語虛文須要明寫財物婚書各名書字女回書亦寫受聘禮數自嫁主并媒人亦會書字仍將兩下禮書背向大書合同字樣分付各家收執如有詞語朦朧別無各各書字并合同字樣爭告到官即同假偽

嫁上戶 中戶 下戶

正婚依上例聘財等第以男家為主原減者聽

娶金兩 金錢 銀兩

養老女婿依例聘財等第減半須要明立媒妁婚書成親只女家下財男家受禮

聘銀兩 銀兩 彩緞疋

年限女婿依上聘財等第驗數以三分不過二分財女家受財以幾年為滿日方聽出離

財絲緞疋 絲緞表裡 裡襟用

有妻不得求娶正妻若娶妾者許明立婚書求娶蒙古色目人各依本俗又未過門身死回財一半品官別行定奪

等表裡襟用 襟用緞疋 緞疋疋

第絹疋疋

民戶娶軍妻女從其所願

筵席不過三味不過三味 不過三味

省部定例但有筵會白日至禁鐘已前罷散



斷例三十七 四十七 五十七 七十七 八十七 九十七 一百七

夫歿焚

婚夫

婦人

尸揚骨

并撒

聽離

便改嫁

殞人

守服

兄收

說合 主婚庶人母

職官收

庶人弟

庶人收

弟妻

人決 職官弟妻依隨

罷職

妻決離

弟妻者

悔親

許嫁女已招

若更許

已成者

後娶者知情減一等女歸前夫男家悔者不坐只追聘財

別嫁

婚書及有私約或受財而

他人者

即悔者答

職官娶人

縣尉

縣月并解任離

服內

部符自至元八年正月一日為始

妻為妾事

異標附過名

成親

已前者准已婚為定

同姓不得

至元二十五年十月尚書省

有妻

格後犯者依法斷罪聽離

諸有妻更娶妻

為婚

奏准在先做了妻妾底休教聽離

娶妻

今後交禁者

又更娶者若妻自願聽改

轉嫁

七出一無子淫泆三不事公姑四出舌

五盜竊六妬嫉七惡疾

妻妾

三不出一經持公姑之喪二娶時賤後貴

三有兩受無兩歸

故婚

不得將妻轉嫁亦不得知而故娶

驅口

驅口不嫁良人 驅口不娶良人

有夫

如有違犯將媒人婚嫁主侍前夫

嫁娶

一體斷罪財錢沒官本婦斷離

妻妾

歸宗

樂人

聖旨取應樂人呵一般骨頭休成親人內匹配者

嫁娶

婚禮

嫁娶寫立婚書至元六年三月十一日中書戶部契勘人倫之道男女婚姻為大據各處見行禮數事深不一有立婚書文約者亦有不立元議婚書止憑媒妁為婚已定之後少有相違男家為無婚書故違元議妄行增減財錢或女婿養老出舍爭差年限訴訟到官其間循情及媒妁人等偏向止憑在口詞因以致詞訟不絕深為未便省部公議得今後但為婚姻議定寫立婚書文約明白該寫元議聘財錢物若招召女婿指定養老或出舍年限其主婚保親媒妁人等畫字樣理成親庶免爭訟除外仰遍行所屬

依上施行

嫁娶聘財條例七款至元八年二月欽奉

聖旨據中書省奏定民間嫁娶婚姻聘財等事准奏仰通行諸

路照會一体施行

一婚姻聘財表裡頭面諸物在內並以元寶鈔為財以財畜折充

者斤若和同不拘此例

品官 一品二品五百貫 三品四伯貫

四品五品三百貫 六品七品二百貫

八品九品一伯二十貫

庶人 上戶一百貫 中戶五十貫

下戶二十貫

一筵會高下男家為主

品官不過四味

庶人 上戶中戶不過三味 下戶不過二味

為婚已定若女年十五以上無故五年不成故

謂男女未及婚年甲或服制之類 其間有故以

前後年月併之及夫逃亡五年不還並聽離不

還聘財

一同姓不得為婚截自至元八年正月二十五日為始

已前者准已婚為定已後者依法斷罪聽離之

一有妻更娶妻者雖會赦猶離之

一婦人去亡服闋守制并故歸宗者聽其舅姑不得一面改嫁

一諸色人同類自相婚姻者各從本俗法通相婚姻者以男為主蒙古人不在此例

女婚財錢定例至元八年七月平陽路咨 尚書戶部符文照得民間嫁娶婚姻聘財等事已有欽奉

聖旨定例外據招召養老出舍女婿至元三年五月承 中書省劄付該依准婚姻元約養老者聽從養老出舍者聽從

出離各隨養老出離去處應當軍民差發又近奉

聖旨條書內養老出舍女婿各有定例外有財錢為無定例往往多餘索要耽誤引訟未便為此省部公議到下項事理

叅詳擬合一體施行呈奉到 尚書省劄付移准 中書省劄付准所擬施行若有和同者聽省府除外仰通行施行奉此省部照得媒妁人等濫餘設立多取媒妁錢仰照坐去事理通行合屬出榜施行

一招召養老女婿照依已定嫁娶聘財等第減半須要明立媒妁婚書成親

一招召出舍年限女婿各從所議明立媒妁婚書或

男或女出備財錢依約年限照依已定嫁娶聘財等第驗數以三分中不過二分

一照得嫁娶并招召女婿婚姻聘財各有定例今後媒妁從合屬官司社長巷長者老人等推舉選保信實婦人充官為籍記姓名仍嚴切約束無得似前多取媒妁錢數濫餘設立違者治罪

嫁娶

母在子不得主婚至元五年十月 中書戶部來申田盈及王秀才各定問訖趙阿王女趙速見相爭未曾經斷今却嫁與孟二為婦若將趙速見斷付田盈與弟為婦却緣趙速見次兄趙定主婚吃訖肯酒係不合主婚之人若斷得王秀才與男為婦兼王秀才目下已與伊男娶訖妻室止令孟二為妻從來不曾斷過如此体例乞照驗事省部相度趙速見既有母在其兄在外吃肯酒為子之道理無自專難議從兄許親為定據趙速見母阿王稱受訖王秀才聘定許伊男王二為妻合行為婚未婚之間趙速見與

小李通奸在逃被捉到官在後王秀才若不願娶趙速兒即將元下與阿王定婚禮物依數追還仰照驗施行

携女適人從母主婚至元五年十月尚書戶部來申錄事司民戶劉亨告在先有母阿李受財將姪女婆安嫁與張總把男丑驢為妻至元三年九月內有婿丑驢身死未及周年知得張親家賣服要訖軍戶張小一鈔四十貫召男張二為婦為此問摠把妻阿李稱元係告人劉亨兒閨女婆生到婆安在後夫劉大身故阿李改嫁與張摠把為妻庚戌年財取到前夫劉大處拋下親女婆安與後夫張用男丑驢為妻至元三年九月內有男身死其女守服間

至元四年為家貧別無男兒養活受訖張小一定物絹五疋欲召伊男張二與婆安作養老女婿至今未曾成婚府司若將劉婆安斷令歸宗或准伊母阿李主婚從來不曾斷過如此体例乞照詳省部相度據阿李既係婆安嫡母更係親婆不合申問仰依理守服缺從阿李主婚與劉亨一同商量召嫁施行

逃逃婦為妻至元六年五月二十六日彰德路申奉中書戶部符文安陽縣李伴姐告磁州滏陽縣人戶胡大安等將逃妻高喚奴打奪去了約會問得有李伴姐父母主婚立媒下財童養到高喚奴為妻十三歲上才方成婚十

五歲在逃。逃高喚奴并媒人等取責相同。被論人胡閏稱憑朱阿唐作媒下財娶到高喚奴為妻。現有所生兒男。並不知李伴姐定娶事。因既有所出合無於胡閏名下。李伴姐元下財錢候高院事到官却行追還。乞照驗事。省部相度既是媒証隣佑方阿姚等指稱得高喚奴妻是李伴姐父母下財童養到兒婦在逃。難同胡閏立媒下財娶到。終是李伴姐妻室。合行改正。仰將高喚奴依舊分付李伴姐為妻施行。

定妻不娶改嫁。至元七年四月尚書戶部來申劉泉告元凱憑媒說合女伴姨與伊男為婦占固。一十一年見今女

伴姨二十四歲已過嫁期並不來娶。乞照驗事得此。照得先據太原路申吳貴狀告即係一体事理。條詞呈到。中書省批奉。都堂鈞旨。符到限三十日下財來娶。如違限娶別行改嫁。今據見申即係一体事理。呈奉到。尚書省判送批奉。都堂鈞旨。依准所擬行下合屬依上施行。定婚女再嫁。至元十年四月。中書戶部據大都路申郭伯成告李仲和將元定男婦丑哥轉召驢兒為婿。取訖各各詞。因府司公議得李仲和至元六年八月內憑媒將女丑哥聘與郭伯成驢兒為婦。受訖錢財三十五兩紅花等物。定婚未娶過門。又於至元七年受訖石驢兒財錢一十

五兩召八舍為婿據所招罪犯候本人病症痊可量情決
斷石驢見不知郭伯成定問李丑哥情由理合離異將李
丑哥斷付郭伯成男驢見為婦財錢十五兩不須貼下李
仲和元受石驢見財物一十五兩回付本人緣係已久為
例之事乞明降事省部得此相度仰更為引審無差依准
取擬施行

外據石驢見元下財錢一十五兩如本人委不知情依數
回付施行

招到女婿棄妻再娶至元六年十月 中書戶部據大都
路申承奉判送劉阿高狀告已未年間欠州住坐時憑高

嫂等作媒下紅定召張石驢與女寺奴為婿言定任至男
長立令本人出舍另居至庚申年二月間不紹家業在外
將女寺奴拋棄別娶智先見為妻訖並不前來本家府司
取責得張石驢名榮狀招自未問問就欠州於丈母劉阿
高家作婿言定應當官身是的府司叅詳得劉阿高紅定
召到張榮為婿住經一年出外別娶智先見為婦另居一
十四年不曾供給寺奴衣食若令依舊作婿見得不肯同
活又無離異之理擬令張榮出備中戶財錢五十兩求娶
劉寺奴出舍乞照驗事省部相度仰更為引審無差依准
所擬施行

女婿在逃依婚書斷離至元十年十二月 中書戶部承奉 中書省判送本部元呈據太原路申宋德榮告至元五年七月立婚書召到府北關石顯弟石虎虎與姪女小梅一面改嫁石顯石虎虎並不爭告立下如此婚書其婿石虎虎自至元七年七月內在逃當月十五日却有女婿石虎虎在于親家內至十七日本關苗社長送來本家十八日又行在逃不知所在勾到一千人等指證相同詞因照得石虎虎在逃經今三年根尋不見若依元立文字歸斷不見斷過如此体例乞照驗事得此本部畧行照得在先據大都衛輝等路狀申楊阿王等數家告召到女婿在

逃公事數內楊阿王狀告至元二年九月內憑媒寫立婚書召馬得信男實哥與女張哥作養老女婿如馬實哥不肯作活不紹家業此文字便當体離更罰鈔五十兩住至至元六年四月二十三日有婿馬實哥將訖本家錢本在逃至至元八年六月二十三日馬得信并妻及媒人趙娘將婿馬實哥送本家立到再不在逃走生死文字依舊住坐至十月初六日馬實哥又將金銀釵釧偷逃在逃又張榮告寫婚書召張阿馮男張小興與外男甥女福仙作舍居養老女婿老爺老娘指教不紹家業在外六十日不來還家此文字便同休書張福仙改嫁他人並不爭告如

却行爭告者情愿罰通行鈔一百貫沒官使用不詞如此
寫婚書至元四年七月二十八日過門至元七年五月十
八日有婿張小興不因嗔責在逃九月內告到本路淇州
官司督勒張小興兄張二于十二月內將婿張小興尋見
前來將婿張小興斷訖二十七下省會於榮家內作生往
坐六月十七日有張小興在逃及蒙州判兼捕盜官將榮
勾追到官取問該淮南京路錄事司文字有婿張小興作
賊見行在逃又安林告至元二年八月內令孟得祿為媒
召得本都燒羊李大隨母男王驢哥與女秀哥為養老女
婿寫立合同婚書若女婿驢哥游手好閑打出調入不紹

家業不服丈母教令此文字便同休離成親之後至元五
年七月內為王驢哥不紹家業投井自抹行兇將丈母推
倒在逃告到宛平縣并本投下官司再立死活文字該寫
若已後驢兒但有一切橫災不干丈人文母之事燒羊李
大情願一面承當若驢哥以後似前刁蹬不紹家業將此
文字便同休離不詞在後女婿王驢哥依前不肯作活故
壞本家買賣刁蹬告到宛平縣官司至元八年二月內申
奉到 尚書戶部符文又將王驢哥斷訖二十七下省會
本家依舊為婿如已後似前為非不紹家業赴官告實即
便聽離在後挾恨將女秀哥誣告奸事賍謀買休為娼及

行克將伊丈母左眼打傷公事大都路取訖本人招伏欲
行歸斷又行在逃又王得林告至元三年四月內召到本
路孟甫男孟野驢與女哇哥為婿一十五年入舍立到婚
書已後並不得走出調入不着家業不做活計此文字便
當休離立如此婚書至元五年五月十九日女婿孟野驢
不因嗔責在逃各路具申擬合照依婚書歸結却緣不曾
斷過体例本部已經行下各路照依各各所申事理施行
去訖及照得至元六年二月內 尚書戶部為民間男女
婚姻不一婚書文約者亦有不立元議聘財婚書憑媒妁
為婚已定之後為無婚書增減財錢女婿爭差年限以致

詞訟不絕議定今後為婚姻者寫立婚書文約元議聘財
并女婿養老出舍年限主婚保親媒妁畫字依理成親庶
免爭告如此通行各路禁約依上施行具呈 中書省照
詳又至元八年六月內呈奉 尚書省照劄付該招養老
女婿照依已定聘財等第減半須要明立媒妁婚書成親
亦已行下各路依上施行去訖今據太原路 申宋德榮
所告女婿不依元立婚書在逃等事係在至元六年二月
已前召到為婿其作婿之人在後不紹家業故違元立婚
書在逃本部若憑見在婚書處斷別無定例為此畧行照
依各路申到各項告婿在逃事理以此議得民間召婿之

家或無子嗣或見男幼小蓋因無人養濟內有女家下財
召到養老女婿當藉氣力及有男家為無錢財作舍居年
限女婿其夫家與女家兩家相和同明白立到婚書取信
該寫不紹家業在逃等事便當休離止是厘勒為婿之人
肯為妻家依理作活非理飲酒游手好閑打出調入不紹
家業不伏丈母教令及有該寫在逃一百日或六十日不還
本家所立婚書便同休棄任便改嫁兼有先為不紹家業
告求妻家收留再立文字該寫如後似前不紹家業此文
字便同休棄所有前項節次申到事理已經行下各路歸
着到今不能結絕原其作婿之人就妻成婚之後有父母

者思歸本家無尊親亦謀另居雖有是心計無得出止於
妻家不肯作活非理飲酒游手好閑偷錢在逃皆由此而
生其妻家陳告到官累年不決紊亂官司深為未便以此
叅詳若不憑准私約婚書歸結別無依據擬合將各路所
申女婿照依兩和自願立到婚書斷聽兩難別行改嫁以
戒後來庶免肯于妻家依理作活格去前弊漸成淳厚呈
奉到 都堂鈞旨送本部如作婿之家別無異詞依准所
擬施行本部再行披詳得各路所擬申若便照依元立婚
書歸斷別無斷過如此体例又無男與女家兩各詞理累
年不能歸絕及女婿見今在逃者不憑准私約婚書歸斷

別無依據今承見奉其作婿之家已違元約其間多有裝飾不能別無異詞以此叅詳擬合依准本部已擬照依兩各自願立到私約婚書斷聽兩離似有依憑庶免不致奈煩官司呈奉 都堂鈞旨送本部擬准施行

女婿在逃至元十二年三月 中書戶部先為民戶招召女婿立到婚書該寫年限不滿在逃百日或六十日便同休棄聽從改嫁呈奉 都堂鈞旨照依兩願立到婚書斷離去後今據東平路備汶上縣申縣尹杜閏閏該切詳天地者萬物之本以動靜為常夫婦者人倫之始以永久為常常之為言者蓋取永無虧弊不易之謂也是故易序卦

由夫婦之道不可不久故受之以常是也以此觀之其夫婦之道不可離棄明矣今者未婚之先期不永之計豈淳厚之風實澆薄之俗何不從而則之厚立婚書之理大抵防男女妄冒之期與夫聘禮多寡之限以杜其奸非期夫婦永與不永為立之也後世薄俗故有是議此當禁而不可啟也設如女婿不務本業游手好閑自有常典不可循私議而害人倫變古風而成薄俗莫若反正道以循古風庶革澆風化為厚俗乞照詳事府司叅詳人倫之道夫婦之義重生則同產死則同穴期于永久世之常也閭巷細民不辯薰猶縱其女之好惡揀擇貴賤就捨貧富妄生巧

計頻求更嫁不以為耻凡具眼目之人誠亦不平今據汶
上縣尹杜閏所言敬遵古典似為允當志在敦厚風俗急
于資治人臣之心昭然可見申乞照詳得此呈奉 都堂
鈞旨准擬行下合屬禁約毋得似前于婚書上該寫如有
女婿在逃等事便同休棄等語句仍令有司常切教諭為
婿之人依理守慎各務本業如有游手好閑非理在逃人
等就便嚴行斷遣施行

定婚奸逃已婚為定至元十二年十一月 兵部刑部承
奉 省判元呈豆黑廝所招女一斤交換郝進女伴姑為
妾止是令媒人劉二嫂下送黃絹三尺各寫訖婚書追引

本婦通奸伊兄 大嚇勒訖女一斤婚書及將郝伴姑前
來本家為妾罪犯及郝伴姑等各各罪名批奉 都堂鈞
旨送本部再行擬定呈省奉此照得至元十一年六月二
十九日平灤路申史延壽招至元九年三月內將定到妻
劉瑞哥私下戲鬪節次通奸在逃劉瑞哥招伏相同本路
擬于史甫處追徵元欠財錢責付劉瑞哥父收管將史延
壽斷決外有劉瑞哥懷孕下錄事同聽候至至元十年六
月初九日欽奉

聖旨行下錄事司照驗去後按察司刷出此宗文卷批寫照照
得事司申本路勾責史延壽才帶定婚劉瑞哥在逃通奸

是實自合詳情已許定婚不待財足迎娶而相繼肆淫意各背父母私通在逃即是不成夫婦之道合行聽離乞明降本部議得史延壽所犯即係刁帶定婚妻室事理難同凡人犯奸又兼已于史延壽斷訖似難離異外據劉瑞哥所劉瑞哥父劉晉住收管及將史延壽斷訖似難離異外據劉瑞哥所犯不係見禁罪囚又不曾前來大都擬合令平滦路量情施行呈奉 都堂鈞旨准擬施行奉此招即與史延壽等所犯一體離異止據逐人不待財足迎娶私通犯罪量情擬決各二十七下准已婚為定外豆黑廝女郝進男百兒交換親事亦憑元立婚書成親各依元定聘

財下送其餘干連有招人等德州就便約量施行相應呈奉 都堂鈞旨送本准呈施行

通奸成婚斷離至元二十三年八月本道按察司據袁州路歸問到宜春縣軍戶趙阿葉先因夫趙十雲南出征在逃本婦不候夫趙十回還憑媒趙十嫂說合招到易千三為婿已經官司斷訖離異本婦又聽易阿彭說合接受鈔二十五兩克絲一疋再行成親憲司看詳趙阿葉易千三既是通奸成親已經斷離又行再犯兼本婦係有夫婦人量情各決三十七下離異財錢擬沒入官媒人易阿彭年老免斷牒可通行禁止

同姓不得為婚至元二十五年十月十六日 尚書省

奏遇事內一件遼陽行省與將文書來義州一箇劉二小名的人的女孩兒根底姓劉的人根底招到做養老女婿住了十年生了兩箇孩兒如今同姓的人做夫妻的體例無廢道說將來呵禮部官人每定奪得羊兒年

聖旨裡正月以前為夫妻的每根底依舊者正月以後為夫妻的每根底依着

聖旨體例裡合聽離道有若夫妻不和厮打呵同姓廢道推托出去有那般同姓為夫妻的每根底不教聽離呵怎生廢道奏呵這言語不曾忘了在先做了夫妻的每根底休教

聽離從今後同姓為夫妻的每教禁約者不禁約呵似回回家體例有廢道

聖旨了也欽此

兄死嫂招後夫至元二十八年六月初六日 燕南按察

司准廣平分司牒照刷出廣平路至元二十七年七月內陳阿双告親家李信等主婚見有小叔陳百家驢合收繼故男婦李興奴服內改嫁三郎級為妻受訖財紅鈔絹緞子銀釵金環議得李興奴服內改嫁僧元僧身故轉召孫福興為婿已與陳元僧義絕孫福興忘歿又與陳元僧異姓况兼陳百家驢年八歲李興奴年三十歲年甲申懸若

令李興如服滿歸宗相應據李如名下追元受王玉財紅
即係服內成親不應之資擬合沒官請定奪准此申奉到
御史臺劄付照得至元十二年承奉 省劄徐寬告弟徐
寶拋下妻阿耿服內受財聘與李斌為妻按察司追到財
錢斷離照得即日服制未定既已成婚又有所出合准已
婚為定仰依上施行承此今據見申相度李興奴服內嫁
與王玉係一体事例元下財錢難議追沒余准所擬施行
領訖財禮改嫁事理大德四年四月江浙行省省掾石仲
實承行劄付來呈趙武路許惠至元二十五年憑媒說合
黃三七女鶴姐為妻後因許惠出外至元二十八年黃三

七主婚又將女出嫁與朱阿老為妻經今九年已有所生
男六歲若將黃鶴姐斷付前夫許惠為妻所生男分付父
朱阿老收養伏慮未應乞照得大德元年六月十一日據
平江路申長州縣人戶楊千六至元二十二年憑李千四
嫂為媒將女楊福一娘許嫁陸細一男陸千五為妻二次
受訖財禮各因貧難未成曾就楊千六于至元二十四年
八月搬移前去漂陽州住坐當年十月憑本處住人楊万
十五為媒隱下受訖陸細一定禮事情却將楊福一娘改
與陳千十二為妻乞施行事得此送理問所議得楊千六
所招先于至元二十二年三月內受訖陸細一財禮將女

楊福一娘聘定陸千五為妻至元二十四年十月內又受陳千一財禮將女嫁與本人為妻理合斷付先夫却緣楊福一娘與陳千十二成親已及十年陸千五並不曾爭告官到直至大德元年正月內于路迎見楊福一娘將本婦奪去才方陳告楊福一娘已有所生男女二人如准已婚為定行下合屬若楊福一娘有未定婚親妹令陸千五依理下財求娶如無令陳千十二等出備財禮與陸千五別娶妻室免致子母離散得此大德元年閏十二月移准中書省咨都省議得如楊福一娘有未定婚親妹依准所擬令陸千五求娶如無于楊千六處追還元受陸千五裙

段等物并陳千十二所財錢給付陸千五別求妻室咨請依上施行准此已經行下合屬依上行行去訖今據見呈相度許惠告黃三七將女黃鶴姐改嫁與朱阿老為妻即與陸千五告楊千六將女楊福一娘改嫁事理相同省府合 仰照驗更為詳審明白中間別無爭差依例施行胡元一兄妹為婚大德六年四月 日江西行省據龍興路申承准江西湖東道肅政廉訪司牒該承奉 行御史臺劄付該據監察御史呈照刷江西行省文卷數內一件大德四年四月二十二日據臨江縣路備新喻州申大德四年正月二十一日據五都第十六社長胡信甫狀申大

德三年十二月初六日有社戶胡元三前來對信甫言說我親弟胡千七將伊小女名元七娘與伊長男胡元一為妻我是他親兄更不聽從勸諭乞與申官得此句責得胡元三名大舉狀結今被申人胡千七及胡千七八與大舉係是同胞親兄弟止宋唐午年不記日月有弟胡千七捧抱得得婦黎層三男黎唐俚歸家為男改名胡寄俚在家哺養即今胡元一在後有弟胡千七生下親男胡狗俚胡女俚胡郊俚胡弟俚胡正俚及親女一人胡細妹即今胡元七娘子至元三十年五月有弟胡千七又生女辰姑于大德三年十二月初六日有弟胡千七對大舉言道我擇

定此月初八日將我小女元七娘與胡元一為妻大舉對本人道胡元一喚元七娘為妹恐道理過不得弟胡千七不從勸諭至元八日有弟胡千七請大舉飲酒主盟將伊女元七娘與伊男胡元一成親大舉道我不敢吃你酒說罷大舉出外至初十日回家有妻阿張對大舉言說弟胡千七初八日已將伊小女元七娘與伊男胡元一成親了當大舉恐已後事發必致負累當大舉前去說知本社長知會申報到官是的及責得胡千七的名大安胡千八胡元一小名寄俚胡右七娘即胡元七娘狀結相同州司看詳胡元一雖係黎層三所生之子已是過養于胡大安為

嗣即係胡右七娘之兄若便議擬斷離卑州在先不曾斷
過如此體例申乞照詳得此府司看詳若便斷離緣寄俚
終是別姓黎層三之子難比同姓為婚之例若准已婚為
定却緣胡大安已將黎庚俚子籍內作胡寄俚名字為姓
與胡右七娘為兄妹供報在官申乞照詳事得此為是已
婚為定似難別議扎付本路照驗去後據檢照得胡寄俚
既與胡右七娘作兄妹共報在官若今已婚為定有失人
倫其胡大安已有親生兒男擬合令胡寄俚歸宗作婿似
為長便大德五年正月初十日又據臨江路申准廉訪司
司牒該前事若依省扎已婚為定其胡千七已有親子五

人承嗣理合明行斷令胡元一認伊身的姓黎若不改正
別無兄妹成婚為夫妻之禮申乞改正得此本省看詳若
令胡元一認姓歸宗作婿緣係關係人倫為例事理移咨
都省照詳及劄付臨江路照驗回准 中書省咨該為前
事送禮部議得胡元一係胡大安義子既與胡七娘成親
係詳合准行省檢校官及廉訪司所擬令胡元一復其本
姓與胡七娘依舊成婚歸還黎氏相應據胡大安不應罪
犯已經欽遇

詔恩別無定奪具呈照詳咨請依上施行准此今來卑職看
詳胡大安將親女胡元七娘婚配義子胡元一為妻原其

倫理甚非所宜然而都省已行准擬再難別議今後若不
通行禁止切恐習以成俗有傷風化又係為例事理呈乞
照詳得此憲臺合下仰照驗行移有司申覆合于上司禁
約施行

定婚不許悔親皇慶二年五月 日江浙行省准 中書
省劄付部呈奉省判本部元呈晉寧路申准本路總管石
加議閏切聞男女婚姻五常之始有夫婦然後有父子有
父子然後有上下合二姓之好為一家之親蓋所以承宗
事嗣後世也今百姓家家始于結親家道豐足兩相敦睦
在後不幸男家生業凌替元議財錢不能辦足女家不放

婚娶遂生僥倖違負元約轉行別嫁亦有因取喚歸家等
事遂聘他人者經官辨訟遷延月日至有所出遵已婚為
定而斷焉啟僥倖之路成貪鄙之風不惟紊煩官府實為
有傷風化其婦無再醮之理一與夫合終身不改當職照
得唐制許嫁女已報婚書及有私約而輒悔者杖六十雖
無許嫁婚書但受聘財亦是若更許他人者杖一百已成
者徒一年半後娶者知情減一等女各追歸前夫今畧舉
見行事發到官者一十餘家州縣徃徃習已成俗以此叅
詳除五年無故不成娶聽許經官告結執照改嫁外擬已
到官者罪經欽依

詔書釋免事依唐律歸結已後敢有犯者比照唐律量減二等罪歸斷女追歸前夫如此庶革僥倖之風似為長便然此緣係為例事理照驗更為申覆上司定奪明降事准此府司申乞照詳早賜明降付下遵依施行准此本部叅詳夫婦乃剛常之道人之大倫禮之大節也近年以來民間婚姻詞訟繁多蓋緣僥倖之徒不守節義妄生嫌疑棄惡夫家故違元約以致若此實傷風化今晉路石加議所言誠為中理如蒙准呈本部為例遵守通行照會相應具呈照詳批奉 都堂鈞旨送禮部約會刑部官一同議擬施行奉此本部同刑部謝尚書議得男女婚配人之大倫愚

民無知往往悔親別嫁引訟不便若不立法禁約無以敦勸民俗今後許嫁女已招婚書及有私約或受財而輒悔者笞三十七下若更許他人者笞四十七下已成者五十七下後娶者知減一等女歸前夫男家悔者不坐只追聘財外掇五年無故不娶者照依舊例聽許經官出給執照別行改嫁如准所言遍行照會劄付本部為例遵守相應具呈得此都省咨請施行

丁慶一爭婚延祐六年四月承奉 福建道宣慰司府承奉 江浙行省准 中書省咨來咨平江路掇吳江州申皇慶元年二月徐千三馮周千二為媒定娶丁慶一女丁

阿丁與男徐伴哥為妻徐千三却將女徐二娘許嫁丁慶
一男丁阿孫為婦各受財禮交門換親未曾成親延祐元
年水滄田禾缺食生受各立合同文字休棄延祐三年九
月丁慶一將丁阿女定與倪福一為妻未曾過門當年十
二月初七日徐千三同妻阿立男徐伴哥等駕舡將丁慶
一女丁阿女強抱上舡還家建禮成婚送理問所叅詳若
依至元二十一年二月 中書省戶部擬白玉告胡興強
抱伊女白滿兒與胡回斤為妻斷令離異却與皇慶二年
七月 中書禮部為晉寧路石總管言婚姻例會議得今
後許嫁女受財而輒悔者依例斷罪女歸前夫今吳江州

議擬徐伴哥強取丁阿女媾合若依悔親斷令完聚比例
不侔詳其徐伴哥所犯罪經釋免緣吳越之風恐遞相倣
倂若依白滿兒例擬合離異其丁阿女寧免再醮屯人然
此事干通例咨請照詳准此送禮部呈議得丁慶一徐千
三互相受聘財各以男女交門換親後因缺食寫立休書
其徐伴哥追續節禮終未知會不應強將丁阿女抱扱還
家自行違禮成婚罪經釋免若擬離異必致一女連適二
夫甚非所宜看詳合令各家依舊換親所據倪福一元下
財禮依數追給今後若有似此事端擬合照依白滿兒例
斷罪離異移咨本省依上施行相應具呈照詳得此都省

議得除丁慶一徐十三爭婚事理依准部擬今後若有許
嫁女已報婚書及有私約或受財者並依皇慶二年元定
婚姻通例歸斷違者依例斷罪咨請照驗依上施行

夫自嫁妻至元八年八月 尚書省據大都路申許順誠
告張大哥將引伊相識人等前來本家與順成元立媒求
娶到妻速氏處要買休錢事勾到張太名世榮媒人阿趙
等各取訖備細招伏文狀府司除令行外據張世榮所招
夫自嫁婦情罪若便擬斷切緣張世榮狀責見受

宣命金牌管稻田戶計乞明降事得此舊例和娶人妻及嫁
之者各徒三年即夫自嫁者亦同而離異省部相度據張

世榮見受

宣命金牌管稻田戶計即係有官之人依舊例七品以上犯
流罪以下減一等合徒一年半該遇至元六年七月初八
日減斷罪囚已前事理降減五等合杖八十折贖銅一十
六斤每斤折錢二百文計合贖錢三貫二百文沒官外張
世榮已將和速氏休棄令許順成依理求娶合准已婚為
定據世榮元要買休錢應沒官欵遇
減合行免徵

嫁妻聽離改嫁大德元年七月袁州路為段萬十四取阿
潘為妻一十八年却于元貞二年十二月內將妻阿潘假

作弟婦嫁賣于譚小十為妻得訖財錢四定入已申奉到江西行省劄付該段萬十四將妻詐作亡弟婦受財改嫁譚小十為妻即係義絕罪雖經革理合聽離令本婦歸宗別行改嫁

夫嫁妻財錢革撥大德二年八月 日江西行省據袁州路歸問到郭季二將妻彭明四姑作妹嫁與軍人王二為妻得到財錢二定銀釵兒一隻紅緞媒人錢二十貫累次行下追徵其郭季二貧難無可追納合無革撥省府看詳係大德元年二月二十七日

恩以前事理若便革撥緣係通例為此移准 都省咨該

送禮部照擬得郭季二將妻彭明四姑改嫁王二為婦即係違法已經行省擬斷歸宗別無定奪外據元受聘財雖稱王二並不知情終是為妻一年難為准信又兼郭季二為是家貧嫁妻蓋因江南舊染風俗實非得已叅詳既係恩已前事理如准革撥合咨行省上施行 都省准呈受財將妻轉嫁至大三年十一月湖南宣慰司奉 湖廣行省劄付來呈劉子明將妻郭二娘作妹憑媒受訖王萬四財錢嫁與本人為妻後知事發王萬四又將鈔四十兩買和即係違法事理若比潭八十一嫁妻事例合令郭二娘歸宗所生兒男給隨生父受財錢等物俱各沒官劉子

明追徵無納如准革撥未奉通例移准 尚書省咨該送
禮部呈恭詳劉子明受財將妻郭二娘轉發嫁與王萬四
為妻嫁娶俱各不應理宜懲戒緣

詔恩以前罪雖原免事當改正合准本道宣慰司所擬將郭
二娘斷令歸宗所生兒男各從其父元受財錢等物追沒
相應具呈照詳都省咨請依上施行

舅姑不得嫁男婦至元八年十一月 尚書戶部來申徐

阿度狀告至元六年十二月伊男綿和身死拋下兒女無
人養贍難以當差欲令男婦阿劉招召義男為夫緣男綿
和服制未闋守是生受府司未敢懸便乞明降事為此照

得欽奉

聖旨條畫內一款節該婦人夫忘服闋守志并欲歸宗者聽其
姑舅不得一面改嫁省部相度若准徐阿度所告却緣照
得舊例妻為夫服三年其實二十七個月擬候服闋日從
阿劉所欲別無舅姑召嫁男婦体例仰欽依已降

聖旨事意施行據徐阿度戶下差役量加存恤

受財移嫁男婦至元三十年九月 御史臺來咨温州路

同知顧文魁不應受財將男婦李元四娘移嫁打几府判
為妻打几為有風病難議治罪顧同知不應罪犯擬准四
十七下呈奉 中書省劄付刑部議得顧文魁所招准擬

決四十七下外據打几府判明知顧同知次男兒婦違法
求娶為妻情犯候病痊從本道取招就便依例施行仍標
附各官私罪過名相應都省准擬

舅姑得嫁男婦至大二年九月 尚書省奉

奏過事內一件至元二十八年欽奉

聖旨一款婦人夫亡服闋自願守志歸宗者聽舅姑不得改嫁
欽此照得又欽奉

聖旨節該疾忙行文書小叔阿嫂根底收者麼道除欽遵外有
各省咨將文書來為婦人夫亡不于夫家守志却于他家
爹娘家去了服內接受別人羊酒財錢一面改嫁去了也

俺商量的他爹娘重要了兩遍財錢有元娶的男婦的翁
婆根腳裡羊酒緞足鈔定取來是他孩兒死了更將他男
婦要了財錢改嫁去了為這般上頭漸漸的翁婆家消乏
了也今後婦人夫亡自願守志交與夫家守志沒小叔兒
續親別要改嫁呵從他翁婆受財改嫁去呵怎生奏呵奉
聖旨那般者欽此

官民婚

品官取被監人男婦為妾至元六年十月 中書省據御史臺呈山北東西道按察司申據北京路張裕為折訖官糧蒙總管府監收追徵間有本路喬知事使伊從人小劉并媒人苗娘等就監房內求問訖男婦為妻妾公事取到知事喬得堅招伏并一千人詞因送法司檢驗議得喬得堅娶妻妾合行離異聘財不追據所犯緣由係職官約量罰俸施行本臺呈乞照詳省府公議得喬得堅所犯擬罰俸一月仍移關合于部 分標注過名所娶妻李興哥合行離異聘財不徵其餘有招人等省會免罪仰下行合屬

依上施行

官員部內結婚至元七年閏十一月 尚書省先為來呈
隨路遷轉到任官員多與部內權豪富強之家交結婚姻
繼拜親戚通家來往因此挾勢欺壓貧弱合無遍行禁約
事送戶部講究得人倫之事婚姻為大遷轉官員俱係諸
色頭目人等離鄉遠近不一貧富不等若止于本鄉及隣
境交結婚姻門戶須要相當兒女須配合及媒妁往來地
里寫遠難便成婚因循一兩任間兒女遇時深為未便為
婚若因時循情委有實跡自有罪名外據見任官與權豪
富強之家繼拜親戚通家往來事理除親戚及孝悌忠信

學問之士可交游者外悉皆禁似為相應乞照詳事省府
議得除禁斷交游一節別議定奪外部內結婚事理比及
通行定奪以來依准戶部所擬仰照驗施行

牧民官娶部民至元十九年正月浙西道宣慰司近為杭
州州路于潛縣尹劉蛟娶守服部民趙元一娘為妻呈奉
行中書省劄付該來呈劉蛟求娶守服趙元一娘為次妻
本道按察司取訖不合求問服制未滿女子招伏擬斷聽
離更將劉蛟停職等事照得至元八年欽奉

聖旨節該泰和律令不用休依着那者欽此又即月服制未定
卑司議得劉蛟所犯本人係於潛縣尹牧民之官不合定

問部民趙元一娘為次妻後知本婦前夫服制未缺雖是不曾過門成親終是違錯若依按察司所擬離職更與趙元一娘聽離似為尤重擬依按察司斷離却令劉蛟還職勾當據本人不因罪犯量擬罰贖乞照詳都省擬得即目服制未定擬行下本道宣慰司如趙元一娘接受劉蛟紅定已問到官詞因明白聽依理求娶仍令劉蛟還職勾當施行

廣官妻妾嫁例大德三年十一月湖廣等處行省准 中書省咨御史臺呈准行臺咨海北廣東道廉訪司申李通等告兄李榮充惠州路鈔庫大使因病身故拋下妻阿何

服內改嫁本路提控按贖郭克仁為妻除另行取問外切見廣東烟瘴重地北來官員離家萬里不伏水土染病身死者不可勝數拋下妻妾不能守志改適他人將前夫應有資財人口席卷而去亡歿官員骨肉未寒家私人口已屬他人況在廣亡歿官員老小出廣已有應付站舡定例如蒙行依合屬嚴加禁約今後在廣仕宦官員若有身故拋下老小聽從本處官私依例起遣還家不得擅自改嫁如有違犯事發到官斷罪聽離前夫家私若有散失勒令賠償可以絕詞訟之源亦正人倫厚風俗之一端具呈照詳得此送禮部照擬回奏叅詳兩廣遷去官員若有身故

合准廣訪司所擬將拋下老小家私本處官私依例起發
還家妻妾不得改嫁違者依上斷擬聽離相應都省准擬
施行

流官求娶妻妾大德八年三月二十七日江西行省准
中書省咨御史臺呈山東廣訪司申體察得流官到任不
采風俗美惡輒便欺凌部民諮問室女婦人虛寫婚書捏
合財錢娶作妻室實為傷風敗俗莫若禁治今後無令任
所求取本臺看詳張官置吏本以撫字黎庶宣明教化即
今流官多不奉行到任之後縱情荒淫墮廢公務定議禁
例相應具呈照詳送刑部與禮部一同議得外任官員如

無正妻或乏子嗣求妾者若絕行禁止不許任所求娶却
緣遷轉人員時嘗不得歸居鄉里恐涉未便以此叅詳今
後流官如委亡妻及無子嗣欲娶妻妾者許令官媒往來
通說明立婚書聽無違礙婦女違者治罪離異追沒元下
財錢相應都省准擬施行

命婦夫死不許改嫁至大四年八月江西行省准中書省
咨禮部呈奉 省判上都留守王忠議呈切聞男有重婚
之道女無再醮之身生只同室死只同穴古今之通義也
夫亡守節之婦有司為之旌表門閭

朝廷每降

德音其於義夫節婦未嘗不為之褒諭所以重風化之原也近年以來婦人夫亡守節者甚少改嫁者厯厯有之乃至齊衰之淚未乾花燭之筵復盛傷風敗俗莫此為甚見今

尚書省

奏准封贈流官父母妻室頒行天下婦人因得夫子得封郡縣之號即與庶民妻室不同既受

朝命之後若夫子不幸亡歿不許本婦再醮定為定式如不遵式即將所受

宣勅追奪斷罪離異儻准所言不惟少副

聖朝舉行封贈之美意亦厚風俗重人倫之一端也具呈照詳

送禮部照擬呈省奉此本部參詳如准王忠議所言相應具呈照詳都省准呈咨請照驗施行

外甥轉娶舅母為妻皇慶元年四月行臺省 御史臺咨

監察御史呈江寧縣高福告兄高三將引嫂阿程并外甥董禎前來平江等處尋覓勾當大德九年正月十九日到平寧縣江寧鎮尋見嫂阿程并董禎本人稱兄高三為阿程無子休棄轉嫁與伊為妻參詳阿程係董禎母弟尊舅高三之妻設若高三為無子休棄別無外甥求娶之理罪經原免理合改正離異據巡檢董禎所犯實傷風化難議遷用擬合除名不得緣係為例事理准此呈奉 中書省

劄付送刑部議得建康路江寧鎮巡檢董禎不應將伊母弟高三妻阿程求娶為妻雖已斷離緣係敗汙風俗事理據本人巡檢職役合准鑒察御史所擬除名不叙標附相應具呈照詳都省仰依上施行

軍民婚

軍民戶頭得為婚至元六年十月
樞密院會驗軍戶召到女婿已有奏奉

聖旨條畫通行隨路欽依去訖今照得各處見申軍戶召到養老出舍女婿因而爭告事發到官于內多無婚書雖有元立媒証其間情弊不無或有身死事故難以歸結深為未便樞府議得今後若有軍民召婿須受合同戶主婚親人寫立婚書于上該寫養老出舍年限語句主婚媒証人等書名畫字如此明白不致爭差外據正軍貼戶承繼元戶軍民戶頭者得與人家作養老出舍女婿仰依上施行

配合新附軍婦至元二十二年湖廣等處行省准樞密院
咨准荆湖等處行院咨議得新附軍人拋下隻身妻室內
有各軍 虜收拾為妻及媒下財求娶為妻若令開除從
便改嫁緣江南新附軍人多有隻身不能求娶無以繫戀
因而逃避今來議得駁虜之婦從本管軍正官配合隻身
軍人為妻外據立媒下財求娶者聽守期年之後止于本
翼軍內約下財禮聘嫁須要相當比及成婚以來每月依
例官給鹽糧存恤似為便益得此移准樞密院咨更為照
勘如無窒礙就便施行 外有一件見軍役類
出征軍妻不得改嫁至元二十六年四月 尚書禮部奉

尚書省劄付湖廣行省咨廣南宣慰司呈出征交趾軍人
多有隔絕潰散各家為見久不回還父母將各軍妻小改
嫁以致分居殆失人倫咨請定奪送禮部議得出征軍人
未知存亡拋下妻小其父母不合一面改嫁合咨本省改
正仍將主婚人等斷罪相應都省准呈合下仰通行禁約
軍歿妻女嫁例元貞二年江西省等處行中書省准樞密
院咨准 中書省照會來呈江西行省咨龍興萬戶府申
新附軍人崔福妻阿王將女梅姑娘嫁與民戶張提領為妻
切照軍人戶下女兒係已藉定軍屬本省叅詳軍人正身
亡歿戶下弟姪兒男理合承替軍役所擬拋下妻室若有

必合收繼者依例收繼如有應收之人擬合照依腹裡婚嫁軍人妻從其所愿相應等事具呈照詳得此送禮部照擬得宜從江西行省所擬相應

休棄

離異買休妻例至元八年五月 尚書戶部承奉 尚書省劄付御史臺呈体知得有一等夫婦不相安諧者遂有賣休買休体例若不禁斷有傷人倫敗壞風俗今來照得舊例諸棄妻雖犯七出之狀而有三不去之理以此參詳若以夫出妻妾者分明寫立休書赴官告押執照即聽歸宗以理改嫁以正夫婦之道此係為例事理乞照驗事得此送本部披詳該送法司照得舊例棄妻須有七出之狀一無子二淫佚三不事公姑四口舌五盜竊六妬嫉七惡疾雖有棄狀而有三不去一經持公姑之喪二娶時賤後

貴三有所受無所歸即不得棄其犯奸者不用此律又條犯義絕者離之違者杖一百若夫婦相安諧而和離者不坐若依臺所擬甚為允當省府准擬施行

定婦犯奸棄娶至元九年御史臺據按察司呈呂成定婚男婦武梅：與陳軍兒犯奸經斷不令男家下財空要為婦事呈奉 尚書省劄付刑部披詳得定婚妻犯奸經斷棄則追還聘財不棄只男家減半出財求娶成婚是為相應移准 中書省咨依准刑部所擬施行

離異買休妻例大德五年八月湖廣行省據湖南道宣慰司呈據桂陽路申追問到談十八一告被陳四誘說將妻

阿孟轉嫁與談四十三為妻追問得談四十三所招不應娶談八十一妻阿孟罪犯若斷離異又有所生男女二名乞明降事得此移准 中書省咨送禮部照擬回呈照得見前例今承見奉本部議得談八十一為過活生受寫立休書得訖談四十三財錢將妻阿孟轉嫁與本人為妻據談八十一與本婦已是又絕又係賣休買休俱各違法參詳擬合令談四十三與阿孟離異歸宗其談八十一元受財錢依數追沒相應各人罪犯已經欽遇釋免別無定奪具呈照詳都省准呈咨請依上施行

犯奸妻轉賣為驅至元九年 中書省劄付來呈河北河

南道提刑按察司申輝州軍民周璘男周禿當告父周璘為禿當母阿鄧在逃捉住蒙阿散小官人斷訖四十七下依舊住坐有父周璘別娶到孟大姐為妻信從教唆暗地將了絲一千一百兩立契賣與周都運家駝配與伊駝小蕪為妻汲縣断定教伊父周璘出脩元價取母阿鄧為良輝州路總管府却將伊母阿鄧與周都運依舊為軀行移勘當得周璘狀招為妻鄧媼兒犯奸在逃捉拿到官取訖招伏斷訖當為官私揭下錢債將妻鄧媼兒賣與周都運男周二為驅得到價鈔絲一千一百兩本人當將鄧媼兒配與伊驅蕪老為妻輝州路擬斷鄧媼兒係是良人雖

曾背夫在逃犯奸擬斷其前夫周璘不合將妻阿鄧賣與周都運既將阿鄧配與蘇小為妻到今一十四年據所生男女各各為良隨夫蘇老完聚住坐申奉戶部符文准擬按察司議得鄧媼兒本是良人有罪經官斷遣其夫周璘却將鄧媼兒一面立契賣與周都運總管為驅已犯義絕周周總管此時明知本婦係是良人私相買賣將鄧媼兒配與本家駝口蘇老為妻顯見意欲圖謀本婦永遠為驅爭告到官雖是鄧媼兒與蕪老為妻至今一十餘年亦有所生男女終是不應合行聽離改正為良別適他人如不願招嫁合令伊男周禿當奉養以送終年據元贖價錢理合

沒官本路却將鄧媼兒斷與蘇老為妻事屬違錯本臺參
詳緣係已久為例事情得此送刑部定擬回呈蒙議得鄧
媼兒元係捕戶鄧移山親女配與周璘為妻雖曾背夫在
逃與人通奸已將本婦罪犯斷訖既周璘不欲收拾為妻
休棄歸宗不合立契將本婦賣與周二總管為驅此時本
官明知本婦係是良人不合承買又行配與蘇老為婦一
十餘年雖有所生兒男終是違錯條法不應難議隨夫住
坐合依按察司所擬改正為良聽離將鄧媼兒分付伊男
周禿當歸宗侍養外據後夫蘇老所得兒男籍記為良却
令隨夫住坐似為相應都省議得周璘因妻鄧媼兒在逃

犯奸斷訖賣與周二配與伊驅蘇老為妻經今一十四年
已有所生男女難議斷離擬令鄧媼兒與所生男為良給
據隨夫住坐若蘇老身故之後另戶名收係當差外據周
璘所招罪犯并元賣錢已經

赦恩別無定奪除已劄付六部行下合屬依上施行

妻犯奸出舍至元十二年中書省劄付來呈河北河南道
提刑按察司申高孫兒於郝金蓮處作婿因奸斷妻出舍
呈准省劄送兵刑部照擬得順天路齊壽安于徐德女丑
哥處作婿捉獲妻犯奸斷訖罪犯擬合出舍却據徐德告
年老無目別無得力之人量情擬令齊壽安出備財錢二

十五兩分付徐德收管所據高孫兒依已斷將妻出舍有虧妻家合無照依前例斟酌元約為婚年限量酬財禮已付妻家乞照詳事得此送戶部照擬得右三部元斷齊壽安一起初無酬財其高孫兒妻父郝明丁力衰甚家產優劣即與齊壽安不同難以指例出備財錢擬合照依兵刑部已斷事理是為相應都省准呈合下仰照驗施行

夫亡

夫亡夫家守服至元五年十月 中書戶部來申該平陽路民戶郭從訓告河南府宜陽縣石付韓阿鞏不令弟妻趙奴與弟郭四守服乞照驗事送法司披詳得韓趙奴既于至元三年七月與夫郭四過門魚二次父母受訖財物依理已成婚聘及拜訖伊夫尊屬其夫身亡合行依例于夫家守服以全婦道激勸風俗似為相應省部仰令韓趙奴依例于夫家守服施行

未過門夫死回與財錢一半至元六年三月 中書戶部據大都路來申麻合馬狀告至元二年正月內憑媒人法

都馬等作媒說合女阿賒與阿里男狗兒為婦至去年七月內有婿狗兒身死有阿里道交故狗兒弟收要勾責得媒人法都馬狀稱至元二年正月說合麻合馬女阿賒與阿里男狗兒為媒有阿里下與說麻合馬金脚玉板環兒一對紅絳絲一個絹二疋蓋頭一個羊二口麪一担酒三十斤在后女婿身故目今阿賒年二十歲小叔驛、一十五歲得此就問得回回大師不魯溪等稱回回體例女孩兒不曾娶過死了的孩兒若小叔接續交孩兒底爺娘肯交收呵收者不肯交收呵下與的財錢回與一半這般體例又照得娶妻財畢未成者男女喪不追財欲便照依回

回體例不曾斷過如此事理誠恐違錯乞明降事省部得此仰更為審問無差依理回付一半財錢施行

婚死不回財例至元九年六月二十八日 中書戶部來

申河東縣馬立告至元七年十月內定問到本府楊大妹與次男馬三為妻至元八年五月十七日男馬三身死元下頭面來裏除回到頭面三件衣服五件外其餘物色不肯歸還乞明降事理部相度馬立男馬三定親未曾成婚馬三身故元不聘財難議回付仰照驗施行

夫亡聽婦守志至元十年 月 中書戶部來申肖阿王狀告女玉哥招到養老女婿王大因病身死有婿弟王二

欲將女玉哥收要不肯允順告到濮陽縣官私斷令王二娶玉哥守志不肯改嫁娶得一千人詞因府司看詳即係為例之事乞照詳事省部相度肖玉哥既是夫亡服闋已經五年守志誓不改嫁與亡夫拋下兒女侍養伊母阿王難議令小叔王二接續仰更為取責肖玉哥守志誓不改嫁執結文狀依上施行

奩田聽夫家為主大德七年 月江浙行省准 中書省咨准來咨該據浙西宣慰司呈徽州路總管朵兒赤言隨嫁奩田等物今後應嫁婦人不問生前離異夫死寡居但欲再適他人其元隨嫁粧奩財產一聽前夫之家為主並

不許似前般取隨身本省參詳若准所言相應送禮部議得除無故出妻不拘此例合准已擬相應都省准呈咨請照驗施行

叔繼

弟叔嫂出舍另居至元六年樞密院承奉 中書省劄付
劉從周告有弟妻許迎仙犯奸斷訖依舊為妻今有弟因
病身死見有二个弟合叔繼許迎仙有伊父母不肯分付
行下本路取問得許迎仙父許德稱係本縣附籍軍戶至
元三年三月內召到劉瘦漢于德女迎仙處做十七年出
舍女婿見有立到婚書緣婿劉瘦漢未曾住滿年限不曾
今女迎仙前去乞照舍另居除外行不合屬依上施行捷
二于許德家內叔繼伊嫂許迎仙出舍另居除外行下合
屬依上施行

收小娘阿嫂例至元八年十二月 中書省今月力八日
答失蛮相哥二個文字譯該小娘根底阿嫂根底收者麼
行了文字來奏呵

聖旨疾忙交行文書者小娘根底阿嫂根底收者麼道
聖旨了也欽此

小叔收阿嫂例至元九年十月 中書兵刑部來申鄭窩
、狀招兄鄭奴、至元五年身死拋下嫂王銀、并姪社
二同居窩、未曾娶妻得孕一同在逃罪犯王銀、所責
相同及責得定問王銀、親事人秦二狀招元與訖王清
把定物折鈔二十八兩却不合私下受訖鄭信打合物折

鈔四十兩罪犯并媒人王玉等各、詞因除將鄭窩、枷
禁及于秦二名下追到不應物折鈔四十兩聽候所有王
清母阿張受訖秦二把定折鈔二十八兩合無追沒乞照
驗事省部照得至元八年十二月欽奉

聖旨節該小娘根底阿嫂根底收者麼道欽此仰欽依

聖旨事意即將鄭窩、踈放將王銀、分付鄭窩、收續為妻
仍將追到秦二元受鄭信錢物給主據王阿張接訖秦二
錢鈔二十八兩追到秦二收管施行

叔收兄嫂至元十年 中書戶部符文來申傳望伯告兄
付二因病身死拋下妻阿牛望伯問過父母將嫂阿牛依

体例收了并牛望兒狀告付望伯將望兒欺騙情愿在家守服取到一千人詞因府司照得傅望伯見有妻子先曾于伊父母說要接續阿牛不肯允許有傅望伯為父母不在家强行奸訖以致阿牛歸家去訖有公、傅二婆阿印義許不教男傅望伯收接只令阿支本家恩養孫兒守志此係為例事例未敢懸便乞照詳事省部相度牛望兒雖欲恩養兒男守志其傅望伯已將本婦强要奸汚况兼傅望伯係牛望兒亡夫親弟欽依已降

聖旨事意合准已婚令小叔牛望兒收繼為妻合下仰照驗施行

定婚收繼至元十年三月二十二日 中書戶部符文滑州趙用告與張鑄換親男趙臉見定伊女月兒為妻未婚男因病身死欲令次男趙自當收繼不肯事 省部相度終是已定妻室亦合欽依

聖旨小叔收阿嫂事理接續施行

定婚夫亡小叔再下財求娶至元十年五月十二日 中書戶部據大都路申郭阿秦告男乞驢定婚李大女蛾兒為妻乞驢身死欲令次男冬兒接續李大一面將女蛾兒定與裴節使駟口陳得春男陳驢兒為妻府司看詳若令郭冬兒收繼李蛾兒為妻郭阿秦亡男乞驢不曾與李蛾

見成親又令郭阿秦止是下訖欄媒定親之後不曾行下
正財且娥兒一十七歲郭冬兒年方一十二歲未及成婚
年甲及李大已接訖裴節使駝口陳得春把定綾羅緞疋
委是兩頭成婚乞明降事省部相度既郭冬兒係郭乞驢
親弟李娥兒雖是定婚夫主未娶過門終是郭阿秦男婦
合欵依已降

聖旨令郭阿秦貼下元財議物依理求娶李娥兒與伊男冬兒
接續外據李大已接訖陳得春財定追付陳得春收管仰
依上施行

叔收嫂又婚元定妻至元十年 中書戶部來申胡阿郭

告老劉至元七年二月內屬趙二馬阿劉為媒定問訖阿
郭小姑胡茶哥與次男劉二為妻去年六月內劉二自縊
身死比及二七其間有婿劉三已將伊嫂阿郭接續為妻
公事取到一千人等詞因看詳劉溫先于至元七年問到
妻胡茶哥至今不行迎娶一面將此過親兄嫂阿郭未及
周年收為正妻其元定妻胡茶哥年二十已及成婚之歲
若將劉溫并阿嫂阿郭于夫喪制中成婚依法斷罪離離
却令本人迎娶胡茶哥為妻况兼已有
格叔、合收嫂、若擬劉溫亦將胡茶哥求娶為妻又有
欵奉

聖旨條畫內一款節該有妻更娶妻者雖會赦猶離之欵此不曾斷過如此体例乞明降事省部照得來解內劉二至元九年三月十三日自縊身死其妻雖是于夫服內信從劉三長兄劉琮童于至元十年二月二十日與小叔和同接續成婚即係欵奉

聖旨內一款小叔合行接續收繼難同有妻更娶体例合准以此為定令小叔劉三將嫂阿郭收繼仍將元定妻胡茶哥依理下財求娶為妻外據劉宗劉溫所招罪犯從本路量情斷遣仰照驗依上施行

田長宜強收嫂延祐五年二月初六日江浙行省 中書

省咨刑部呈奉省判遼陽省咨大寧路據利州申田阿段狀告皇慶二年十月內有田夫千羊身故拋下阿段并兒女四个于父段琮家守服延祐四年三月二十七日有婆阿馬引領男田五兒前來對父段琮言及我交田長宜收你嫌那厮在先身故不肯交收今日交這五兒收呵怎生有父段琮回言俺女孩兒待服守志見有四个兒女何如收的有婆阿馬將阿段喚去伊家做飯吃用至後晌欲行還家不期小叔田長宜將阿段拖到見住正房內將門關閉令田祿兒看門田五兒將阿段兩手拿把其田長宜用棍于左膊上打訖兩下不能動止將阿段頭髮于窓櫺上

拴繫剥去衣服有小叔田五兒將阿段兩手拿住令伊兄
田長宜收繼收繼了當取訖田長宜招伏原其所犯甚傷
風化敗壞人倫量擬強奸凡人例減一等杖斷九十七下
誠恐差池緣事干通例宜令合干部分定擬相應送據刑
部議得田阿段夫亡守志及六年其叔田長宜撫去伊家
先令弟田祿兒看門次喚田五兒將本婦兩手提拿親行
用棍打拷及敝拴頭髮剥去衣服強行奸訖原其所犯亂
常敗俗甚傷風化擬合將田長宜比依強奸無夫婦人例
杖斷一百七十其弟田五兒等就便量情斷決田阿段聽
從歸宗守志如別行招嫁依例斷罪合應繼罪人收贖如

蒙准呈通行照會度可激勵薄俗具呈照詳得此都省議
得田長宜所招罪犯比依凡人強奸無夫婦人減等杖斷
九十七下餘准部擬咨請驗依上施行

不收繼

侄兒不得收孀母至元七年七月

尚書戶部據河間路

申付伯川弟妻孫哇哥收稱蔣婆并夫付三俱合身死依
例守服至元六年十月三十日四更前有侄男付添壽將
哇哥揣抹不曾成奸至天明還逐侄男張驢家內住坐有
伯、付大稱目今体例姪兒合收孀子乞明降事當部照
得先據河間路申王黑兒下財續親孀母許留奴舊例侄
男娶訖孀母即是欺親尊長為婚同奸法各離其王黑兒
係漢兒人氏呈奉 尚書省劄付移准 中書省咨議言
舊例全類自相犯者各從本俗法其漢兒人等不合指例

比及通行定奪以來依准本所擬無令接續若本婦人服闋自願守志或欲歸宗改嫁者聽許留奴雖以成親亦合離之仰行合屬依理改正施行

漢兒人不得接續至元七年八月 尚書省戶部呈南京路備息州申民戶下松告中統元年與母主婚將妹定奴聘與本州時小女長男歹兒為妻至元二年女壻身故有妹定奴守服四年不令歸宗令男兩兒或侄姚驢收納為妻其定奴不肯順從及先擬河間路申軍戶趙二妻阿劉女青兒等守闋故夫崔捷兒喪服有伯、崔大令弟驢駒收納不令歸宗送法司驗詳得舊例漢兒渤海不在接續

有服兄弟之限移准 中書省咨議得舊例同類自相犯者各從本俗法其漢兒人不合指例比及通行定奪以來無令接續若本婦人服闋自願守志或欲歸宗改嫁者聽咨請照驗省府除已劄付戶部通行各路出榜曉諭外仰依上施行

兩戶不得收繼至元十年六月 尚書戶部來申劉珪告至元七年四月內親兄劉國玉因病身故拋下阿嫂馬氏依例收繼本婦年老已有成人男兒守志不行改嫁得此府司議得劉珪所告收嫂一節劉阿馬劉珪兩戶別居當差阿馬年五十歲自願守志不嫁况有男劉丙三十六歲

難以收繼係已久為例事理乞照詳本部相度既是劉阿媽狀告自願守志況已有男侍養又兼兩戶別行當差准擬無令收繼施行

兄收弟妻斷離至元十二年四月 中書省據御史臺呈陝西四川道按察司体察得前南京路總管田大成收繼弟妻阿趙取到招伏乞明降事送兵部擬得田大成奸收弟妻廢絕人倫實傷風化量情擬斷八十七下罷見職阿趙擬斷五十七下與大成離異

又至元十四年八月二日 中書刑部准禮部關平陽路申高平縣軍戶段集秀告張義收訖弟妻取到招伏闕情

照驗准此省部議得張義所招雖稱伊母阿王許將弟妻收繼終是不應量斷一百七下阿段九十七下離異主婚伊母阿王若不懲誠濁亂典禮如末年及擬決五十七下說合人李克孝決三十七下呈奉都堂鈞旨准呈施行守志婦不收繼至元十三年三月 中書戶部符文潛菜路申蒲臺縣韓進告兄韓大身故拋下嫂阿莊乞依例收繼問得阿莊狀結韓大身死自原守志不嫁他人亦不與小叔韓進續親如有非理之事愿當一百七下本縣看詳韓進承繼兄韓大差發理合收繼收明降事本部照得近奉 中書省判送曹州法都馬告故夫弟阿散要將法都

馬收續並不改嫁情愿守志與男同居當差此奉 都堂
鈞旨送戶部照擬得至元八年二月內欽奉

聖旨條畫內一款節該婦人夫亡服闋守志者聽其舅姑不得
一面改嫁又至元八年十二月十四日欽奉

聖旨節該小娘阿嫂根底收者欽此本部議得本婦人既愿守
志不嫁擬合聽從守志呈奉 都堂鈞旨准擬今據見申
本部再議得今后似此守志婦人應繼人不得搔擾聽從
守志如却行召嫁將各人斷罪更令應繼人收繼通行照
會似望革去詞訟呈奉 都堂鈞旨准呈施行

抱乳小叔不收繼至元十四年正月初九日順天路奉到

尚書戶部符文錄事司俗儒人完顏思政告親家徐旺將
收男婦丑：取換伊家住坐不令回還然雖服闋合今次
男驕虞收繼為妻得此取到一千人詞曰乞照驗事 省
部相度據此男婦阿徐既是守服已闋及曾將小叔驕虞
從小乳抱又兼年甲爭懸一培不愿接續况徐旺年老孤
獨別無男女侍奉難議收繼仰更為引審別無差異即令
徐丑依理侍養侍父徐旺住坐無得違錯
嫂叔年甲爭懸不收至元十八年四月 中書禮部來申
備曲周縣申軍戶許阿趙與步大爭親公事得此照得先
據平陽路申軍戶路顯告立媒下財定問得崔惠女勝兒

與男路重興因病身故欲令次男四兒收繼其親家崔惠將勝兒聘與李孫兒為妻省部議得崔勝兒年一十八歲路四兒才方九歲年甲爭懸難以收繼擬令于崔惠名下追回路顯元下財錢候路四兒長立成人別娶妻室令崔勝兒依已定敗嫁李孫兒為婦似為相應呈奉 都堂鈞旨送禮部准呈施行奉此行本路照會去訖今據見申事理省部相度步春連兒年二十八歲小叔許廣驢一十二歲年甲爭懸又魚步春連兒已嫁劉四為妻仰依例施行姑舅小叔不收嫂至元二十六年六月二十七日 中書禮部呈奉 中書省判送本部呈平 路申軍戶謝阿送

告夫謝黑兒身故有姑舅小叔傅興收阿送收繼及伯、謝昌拘訖亡夫元分事產即係一戶兩姓姑舅成親不曾經斷此例本部議得謝昌謝黑兒傅興雖是同戶自來另居謝黑兒死後謝阿送與男僧家兒同居津貼伯、軍役又傅興係謝黑虎異姓姑表弟別不見姑舅小叔收嫂体例雖傅興兩和將阿保收繼終是不應擬合斷離却將謝昌拘訖弟黑兒事產分付僧家兒為主令謝阿送與男同房津貼謝昌軍役蒙 都堂議得自來別無姑舅異姓小叔叔嫂体例令本路將謝昌傅興等量斷聽離仍將謝昌拘訖謝黑兒人口財產責付謝黑兒男僧兒為主與阿宋

同居守志津貼軍役送本部依_三施行
兄亡嫂嫁小叔不得收延祐二年五月 行臺劄付准
御史臺咨來咨浙東道廉訪司申紹興路等處因值飢荒
典賣妻室其夫既以身死適人之後已有所出男女前夫
小叔又欲爭瑰守繼即與常例收嫂事理不同合准所言
革撥宜令合干部分定擬相應咨請照詳准此呈奉 中
書省劄付該送禮部議得各處貧民因值鎮飢荒夫妻不
能相保將妻孀好賣情非得已其元夫已亡後夫又有所
出前大之弟指小叔收嫂体例爭告收繼擬合並行革撥
如蒙准呈通行合屬相應具呈照詳得此都省仰依上施行

次妻

有妻許娶妾例至元十年御史臺奉 中書省劄付戶部
定議得有妻更娶妻者除至元八年正月二十五日以前
准已婚為定據已後更娶妻者若妻自原聽改為妾今後
依已降

條畫有妻再不得求娶正妻外若有求娶妾者許令明立婚
書求娶 都省壯呈仰依上施行

有妻許娶次妻至元十三年御史臺為孟奎有妻又娶王
綉兒為次妻等事呈奉 中書省劄付議得孟奎既娶王
綉兒為次妻不係正妻合依已婚為定元追財錢回付

軀良婚

奴婢不嫁良人至元六年二月 中書戶部據恩州申該
李申狀告中統三年翟總管軀口楊牛兒作良人求娶訖
女買奴為妻勾到一千媒証人等取責各人詞因指說本
人委知楊牛兒係是軀口受財許聘了當經今七年取訖
告人文狀不曾斷過如此体例申訖明降事得此省部公
議得奴婢嫁娶良人除已前年分婚聘并經官斷者止依
已斷不在此限依舊往坐擬自至元六年正月初一日已
後諸奴婢不得嫁娶招召良人如委有自原者各立婚書
許聽為婚呈奉到 都堂鈞旨送戶部依准所擬施行

逃軀妾冒良人為婚至元八年七月 尚書戶部據中都路來申勘責到逃軀王納單木招伏壬子年于本使王里伯木戶下作軀田附籍至元二年背使在逃至元五年娶訖香阿縣良人故楊偉妻阿李兒為妻罪犯楊粉兒招伏無異媒人劉斌主婚故楊偉妻阿李狀稱除相同外為楊粉兒故夫張釋弟張元告發楊偉擅自將嫂改嫁與張元物折鈔兩定作財禮收訖取到張元既是立媒無服不合勒要錢財招伏除將王納單木在逃罪犯另斷外軀良成婚并張元受錢一節乞明降事為此照得先據本路翟阿張狀告葉里不花逃軀取葉妾

冒與女留奴處作養老女婿公事舊例妾以奴婢為良人而與良人為夫婦徒二年奴婢自娶者亦同各還正之耿莫撫係葉里不花逃軀依舊例合與翟留奴聽離即係男家妾冒其翟阿張元下聘財追徵還主已經行下本路照會了當今據見申即係一体事理省部相度若王納單木委係王里伯木逃軀于至元二年作良人求娶楊粉兒為妻即係男家妾冒依例合行聽離歸宗不還聘財所生男女隨母為良外據劉斌要訖錢物折鈔一十五兩追還王納單木收管據伊兄楊偉等不經由張元一面聘嫁楊粉兒避罪與訖張元勒要鈔兩定并王納單木罪犯撫係

格前別無定奪

軀口不娶良人至元十三年十一月初二日 中書省

奏准事內一件江南來的官員客旅軍人并諸色人每就江南百姓人家的女孩兒并無男兒底婦人根脚底做媳婦來將來却行瞞昧賣與諸人為軀不便當的一般俺商量亦不得將求的良人私下作駝貨賣奏呵奉

聖旨那般者欽此仰照驗省諭諸人今後于迤南求娶妻室依例憑媒寫立婚書無得朦朧娶嫁如有將求到媳婦為軀貨賣隨即改正價錢沒官買主治罪

良人不得嫁娶軀奴至元二十五年十月十六日 尚書

省

奏過事內一件人每的軀每根底百姓每根底女孩兒與了有男兒死了呵媳婦孩兒做百姓的體例有道有在先與時分你甚麼根脚人麼道為甚不問與了有明理會得是人的驅根底與了呵與了的後頭是百姓人家女孩兒來只合做百姓體例有道呵不冝為那般呵人的駝使長根的趨避的多有麼道奏呵人每的駝麼道明理會得女孩兒每根底休與者但是駝每根底與呵只合做駝的體例有麼道

聖旨了也欽此

樂人婚

樂人嫁女体例二款至元十五年 中書刑部承奉中

書省劄付宣徽院呈教坊司申本管樂人戶計俱于隨路
雲游今即隨路一等官豪勢要富戶之家捨不痛資財買
不原之樂強將應有成名善歌舞能粧扮年少可以承應
婦人暗地捏合媒証娶為妻妾慮恐失悞當番承應乞禁
治事得此于七月十八日聞奏過奉

聖旨是承應樂人呵一般骨休頭成親樂人內匹聘者其餘官人
富戶体強娶要禁約者欽此除已行下教坊司照會外呈
乞禁約者都省仰欽依禁約施行

至元三十年行中書省准中書省咨准木八刺沙蒙古文字譯該 中書省官人每根底木八刺沙帖木兒不花阿里察吉兒等教坊司官人每言語樂人每的女孩兒別个百姓根底休聘與者麼道

聖旨有來如今

上位奏了他每根底省會與呵怎生麼道奏呵那般者省官人每根底說了別个人根底休聘者者他每自己其間裡聘者生的好女孩兒呵

上位現者麼道

禁娶樂人為妻中書省咨至大四年八月十八日李平章

特奉

聖旨辛哈恩的為取了樂人做媳婦的上頭他性命落後了也今後樂人只教嫁樂人

咱每根底近行的人并官人每其余的人每若取樂人做媳婦呵要了罪過聽離了者麼道

聖旨了也欽此

服內婚

服內成婚至元七年十二月 尚書戶部契勘父母之喪
終身憂戚夫為婦天尚無再醮今隨處節次申到有于父
母及夫喪制中徃成婚致使詞訟煩冗為無定例難便
歸斷檢令到舊例居父母及夫喪而嫁娶者徒三年各離
之而共為婚姻者各減三等省部議得若不明諭禁約引
訟不已實是亂俗敗政以此叅詳比及通行定奪以來定
立格限渤海漢兒人等擬自至元八年正月一日為始已
前有居父母夫喪內嫁娶者准已婚為定格後格者依法
斷罪聽離如此庶免詞訟似望漸厚風俗呈奉尚書省移

准中書省咨依准施行

焚夫屍嫁斷例至元十五年行中書省據潭州路備錄事司人戶秦阿陳告表兄杜慶病死有嫂阿吳將兄骸骨揚于江內改嫁彭千一為妻取到犯人杜阿吳招伏不合于今年正月十二日有夫杜慶因病身死至十八日焚化將骸骨令夫唐興分付趙伯三揚于江內至二十八日憑陳一嫂作媒得訖鈔鈔銀鑲等物改嫁彭千一為妻罪犯陳一嫂趙伯三唐興招伏相同省府切詳人倫之始夫為婦天尚無再醮其阿吳所犯亂敗風俗若不嚴行斷治江南新附誠恐漸迤風俗流薄除已行下潭州路擬將阿吳伏

斷七十七下聽離與女真娘全居守服以全婦道仍將元財解省并彭千一違法成婚一節就使取招斷四十七下媒人陳一嫂撒揚骨殖人趙伯三各斷四十

停屍成親斷離大德二年行省准 中書省咨樞密院呈

張德清告本管千戶王繼祖于伊父服停屍成親責得王繼祖狀招元貞元年六月二十日父王喜身故將妻馬大姐扶娶過門拜靈成親至二十三日將父王喜埋殯了當是實具呈照詳得此送禮部照擬得至元一十五年十月內奉尚尚書省劄付禮部呈河東山西道宣慰司關方原路臨州軍戶王伸祿男王猪僧至元二十一年十二月三

十日娶到賀真真為妻至元二十三年正月內王猪僧故
停屍在家王仲祿却過房到王仲福男王唐兒為男今王
唐兒與賀真真拜訖王猪僧身屍靈收繼成親至二月初
二日終將王猪僧殯葬了當收繼之後已有所生兒男本
部照得

詔條內收嫂者有例夫亡服闋守志者有例其王唐兒不候
葬訖伊兄于停喪之後與嫂賀真真拜屍成親大傷風化
若依已議將各人離異相應都省准擬王唐兒與賀真真
離異本部議得王繼祖父喪停屍忌哀親親亂常敗俗莫
甚于此叅詳宜從都省劄付樞密院斷令各人離異所據

王繼祖擬合罷職相應具呈都省准呈依上施行

